



Kalaallit Nunaanni Eqqartuussisarnermik inatsisip inatsisillu allat assigiinngitsut allangortinneqarnissaannut inatsisissatut siunnersuummut missingiut pillugu (Politiit pillugit aaqqissuusseqqinnermik, politiinik naammagittaalliuutiginnissinnaanermik aaqqissuussinnermik pilersitsinnermik il.il. naammassinninneq) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)
(siullermeerneqarnera)

Politiit atuuffiat pillugu inatsisip Kalaallit Nunaannut atuutilernissaanut peqqussutissatut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)
(siullermeerneqarnera)

Kalaallit Nunaanni eqqartuussisarnermik inatsisip allangortinnissaanut inatsimmut missingiut (Pinerlunnernit eqqorneqartut inatsisitigut inissisimanerannik pitsanngorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allangortinneqarnissaanik inatsisit assigiinngitsut kunngip peqqussutaatigut Kalaallit Nunaannut atortuulernerannik peqqussummut missingiut pillugit Inatsisartut aalajangiiffigisassaattut siunnersuut.

(Isumaginninnermut, Ilaqutariinnut Inatsisinillu Atuutsitsinnermut Naalakkersuisoq)
(siullermeerneqarnera)

Kalaallit Nunaanni ikiaroorartumik aanngajaarniutinillu pinerluttoqartarnera akiorniarlugu annertusisamik iliuuseqarnissaq, nunatsinni politiit amerlineqarnissaat aammalu suliasaqarfimmu tassunga amerlanerusunik aningaasaliisoqarnissaq anguniarlugu Naalakkersuisut Naalagaaffiup oqartussaasuinut saaffigineqqullugit peqquneqarnissaannik Inatsisartut aaliangiiffigisassaattut siunnersuut.

(Inatsisartunut ilaasortaq Erik Jensen, Siumut)
(siullermeerneqarnera)

Uani siunnersuutit sisamat ataatsimut oqaluserissavagut, tamarmik pinerluttuliornerup akiorniarnernanut maani nunatsinni toqqissisimanissatsinnik qulakkeerinninnermut tunngassuteqartut. Demokraatit siunnersuuteqarsimasut tamaasa sulisimanerannut qujassuteqarfigaat.

Partiit pingaartitorujussuuarput, inuiaqatigiit sapinngisamik toqqissisimasuunissaat. Tassunga atatillugu pingaartorujussuuvoq, pitsaasumik ingerlalluartumillu eqqartuussiveqarnissaa aammalu pitsaasumik ingerlalluartumillu pinerluttaalisitsisoqarnissaq.



Demokraatit isumaqatigaat, suliaq pingaartorujussuusooq ilaatigut ersarissumik hashimik aammalu aanngajaarniutinik allanik tuniniaasarnerup akiorniarnissaa. Isumaqatigaarput, suliniummut pitsanngorsaataassasoq, suliniarnermi tassani pinerluttaalisitsisunik amerlanernik peqarnissaq. Tamanna naalagaaffiup susassaqarfigaa, qallunaallu naalagaaffia kajumissaarniarparput akisussaffeqarnini takuteqqullugu aningaasanik amerlanernik immikkoortitsinermigut sulisunillu amerlanernik atorfinitsitinermigut. Tassunga ilutigalugu paasivarput, qallunaat naalakkersuisui pinerluttaalisitsisut pillugit ukiunut arlaqartunut isumaqatigiissutissatut siunnersuuteqarnerminni siunertarigaat pinerluttaalisitsisut amerlineqarnissaat. Tamanna ataavartumik kinguneqartussaassagaluarpoq maani nunami, kisiannili tamanna ilisimanngilluinnarparput, taamaattumik pingaartuuvoq, Naalakkersuisut qallunaat naalagaaffianut qularnaatsumik ersarissumillu kissaateqarnissaat.

Taakku saniatigut Demokraatit paasivaat, pinerluffigitissimasunut inatsisitigut innarlitsaaliineq nukittorsarneqassasoq, tamannalu 100%-imik tapersersorparput. Assersuutigalugu iluarisimaarparput, taarsiivigineqarnissamik atuutsitsineq pitsaanerulissasoq pisaariinninngorlunilu.

Ataatimut tamaasa isigalugut isumaqarpugut, siunnersuutit sisamat tamarmik tapersersornartuusut, tamannalu tunngavigalugu kissaatigaarput, tamarmik Inatsiseqarnermut ataatsimiititaliamut sukumiisumik suliassanngorlugit ingerlatinneqassasut siunnersuutit aappassaaneerlugit suliarineqannginnerini.